

սկսան տեւել անեւել 'ի ներքոյ սեան, յորոյ վերայ է խաչե-
 լուծթեան մեծ պատկերն Հայոց՝ հանդէպ Գերեզմանին .
 'ի հարցանել միաբանաց զպատճառն՝ ցուցանեն զհրաման
 մեծաւորի իւրեանց . և իբրեւ ոչ կարացին արդելուլ ըզ-
 նոսա անտի՝ գնացին մաքրել զգուռն Գերեզմանին եւ
 զվարագոյրս նոցա, ընդ որ ցատուցեալ Լատինաց՝ ածին
 սանդուխս և մաքրեցին զսխենն 'ի վերուստ մինչ 'ի վայր,
 եւ յընդգիմանալն Հայոց՝ սպառնացան նոցա բօք, բայց
 նոքա չունէին զայնպիսի հրաման 'ի մեծաւորէն իւրեանց,
 և խոնարհեցին զգլուխս եւ մանչեալ մեկնեցան 'ի տեղ-
 ւոջէ անտի, Հայք համբերութեամբ տանէին այսոցիկ,
 զի աւարտեսցի գործ Բեթղեհէմի, բայց և այնպէս ազգ
 արարին Գատաւորին անանձին, և նա քաջալերէր զնոսա
 չերկնչիւ, այլ համբերել սակաւ ինչ . և 'ի գիւղերին յայն-
 միկ դարձեալ գնացին առ նա Դիոնէսիոս եւ Կարապետ
 վարդապետք, կարգաւ պատմել զխնդիրն եւ խելամուտ
 առնել զնա, և չխարիլ 'ի բանս Գաղաքապետին: Եւ նա
 յորդորեաց զնոսա չհոգալ, զի պատուէր ունիմ ասէր 'ի
 մեծամեծաց Տէրութեան տալ հաստատութիւն գործոց
 Նուրեայ և հոգամ զգործս ձեր, բայց ծածկաբար ազգ
 արարէք ինձ: Լատինք ոչ դադարէին 'ի յանդգնութենէ
 իւրեանց 'ի Բեթղեհէմ և 'ի Ս. Յարութիւն, և խորհրդով
 Գաղաքապետին բողոք բարձին զՀայոց վասն Խաչելուծթեան
 պատկերին, և նա իբր յանգէտս առաքեաց զԳանձապետ
 իւր առ Հայս զանց առնել զխնդրոյն՝ ցուցանելով զբողոքն
 Լատինաց, և թէ նոքա ոչ են իբրեւ զՀայս լսող բանից,
 այլ բիրտ եւ յանդուգն . ուստի պարտ է դադարիլ 'ի
 խնդրոյն մինչեւ դտանել զհնարն: Հայք արարին նմա
 պատասխանի՝ թէ սիւնն այն սեփհակամն է Հայոց, որպէս
 յայտ առնեն պատկերն և կանթեղքն, նոյնպէս մաքրել
 և սրբելն, Լատինք երբէք չունին իրաւունս ձեռն մխել
 'ի նա, զի նոքա զխումամբ յարուցին զայս խնդիր և խառ-
 նեցին ընդ խնդրոյն Բեթղեհէմի, զի 'ի դատաստանի գոնէ
 զմին շահեսցին, բայց և այն յայտնի լիցի: Լատինք ոչ կարէին
 յանշափա ձկտիլ, եթէ ոչ էին լեալ նոցա զօրավիզ գլխա-
 ւորք քաղաքիս: Եւ 'ի պատմելն զայսոսիկ պատգամաւորին
 նա ասէ՝ Լատինք ասեն՝ թէ յայնժամ խարեաց զմեզ Մու-